

sollen, vmb des Hantwerks vngedey, der vor owgen gewest. Sunder entlich nicht mitte zcu handelnn ist nicht verboten: Sunder ein zzeit den Tuchmachern zcu entweichen, vffs rats jrkenntniss vnnnd wolgefallen. Vnnnd diss ist also noch vorwillung des Raths vnnnd der Tuchmacher begher Inns Statbuch gezeichnett, das man do fyndet anno etc. lxxviii^o. (18/9 ♀)

Monet in speculo res que speculatur in illo!

Eminet et non est in muliere fides.

1479.

73. Vom lohn der Aboleder vnnnd Hoppemesser. Item so eyn wayn mit Getreyde Kornn, Weisse adder Gerste sal abgemessen werden: gehören vnnser dyner do zcu geordent zcum Wayne zwehne: eyner uff den Wayn, den man nennet eyn Abereycher, der ander wirt genant eyn Abemesser.

Vnnnd der Furman gibt von itzlichem Wayne dem Abereycher zwehne ph., Sunder dem Abemesser eyn gr.

Vnnnd der das Getreyde gekaufft had, gibt von itzlichem Wayne, den beyden nicht mehr, dann vyr ph.

Vnnnd ist gewönlich, dy weyle sy den Wayn abemessen, das der kouffer en eyne kanne Byr vor vyr ph. lesst vortrincken.

Sunder dy Becker, so sy Getreyde kouffenn, gebin den beyden Abereichern vnnnd Abemessern nichts. Diss ist dorumb, das sy selber streichen vnd zu dem Abemesser Handlangen.

Mit dem Hoppemesser wirt es so gehaldin. So er einen zcwene adder drey Schaffel Hoppe misset, gibt em der kouffer eyn ph. Des gleichen der vorkouffer ouch eyn phennig.

Misset er aber vber drey Schaffel, vyr, fünff, sechs etc. biss uff eyn malder, muss em geben der kouffer vnnnd verkouffer itzlicher ij ph. Misset er aber drey Schaffel vbir eyn Malder, muss em geben der kouffer vnnnd verkouffer, itzlicher drey ph.

Misset er aber vber drey schaffel vnd eyn Malder, vyr fünff, sechs etc. biss uff ij. malder, muss em geben der kouffer vnnnd verkouffer, itzlicher vyr ph. vnnnd so fort.

74. Vom Weit, wy vnnns der widder würden ist. Anno etc. lxxviii. am Fritag vor Onmium sanctorum (vnnnd das Jor ist der tag Onmium sanctorum uff einem Sontag gewest) 30/10 ♀ Sein von vnserm g. h. konige gein Gorlitz Inn kommen, der Herr Bischoff Johans vonn Missenn, vnnnd mit em Herr Hinrich von Miltitz hauptman zcum Saghan: vnd vnnns verkündiget, wy sihe vnnsserm g. h. k. den weit zufur etc. vnnnd Niderloge vnnnd schatzunge, wy vor alders zcu Gorlitz zcu sein, wider zcugesagt hettenn.

Des wir gantz froh gewest.

Ist dy zzeit Jurg Emrich mit en gewest, der vnnns dergleich gesaget vnd bedeutet hath.

Dornoch hot der Herr Bischoff vom Stolpen geschreiben: Wir wolden uff Montag noch Martinj 16/11 ☾ zcwene frunt gein Dresden